

De drejde Leksjuun Platt

Em *Jaade waabe* de *Karuute*.

Em *Kengejaade* spelle *Puute*.

Ene *Soom ze nihne*, nännt me *sööme*.

Wer *Tubak köit*, dä eß am *prömm*.

Met *Steen* on *Spieß muet* me en *Mue*.

En *Pürk* eß en Ersatzfrisur.

Mem *Beißem* kehrt me et *Trottwaa*,

on *Händsche* jit et *mä* als *Paa*.

Ene *stieve Klötsch* ka sisch net *wäeje*.

Dr *Buur* deet *plööje* on dann *äeje*.

Wat janet *stemmp*, dat eß *verkiët*.

Dr Jubilar dä wid *je-iët*.

Ene *läere Reem* dä eß us *Läe*.

Jewitter eß e *Donnewäe*.

Dr *Buur* betrach om Fäld de *Früët*.

Wer em *Konsäetsaal hooß*, dä *stüët*.

De *Bejje* dont a *Blööte surre*.

Ene *ärme Käll* eß ze *beduere*.

En *Secksoemel* eß e *Insäk*,

e *Kiärerömmische* e *Jebäck*.

En *Seefelüüte wisch* me *Weisch*.

Me säät net »*Läck misch en de Teisch!*«

De *Eng* die *fleeß* als kleene Fluss

am *Schlachtes* us de Stadt eruß.

Dr *Pisspott* eß et *Naatsjeschië*.

Em *Kopp* befenk sisch et *Jehië*.

E *afjestange* Bier *schmaat schaal*.

On *Fotzverzäll* eß *jäcke Kall*.

Wer *schnüz*, eß *jäck* op *Söößischeete*.

Die *Brejmuul* helt sisch an et rede.

Me säät an ene janze *Bärm*
van *Vüel* ene *Vuëlschwärm*.

En *Mutzpromm* die eß *schläet jesennt*.
Wer mä *domm Zeusch* verzällt, dä *spennt*.

E *Nõnnefõtze*, moß me wesse,
wid jäe och van *Bejinge* jässe.

Wer *Kolätsch* säät, dä meent *Lakretz*.
Die *Jeeß* hät ene *Stömpschenstätz*.

Dä *Pötteläpper* eß ene Mann,
dä *Keiße*le joot *flecke* kann.

De *Fooßließ* onge a de *Wank*
eß och als *Lamperie* bekank.

Wer *puddelrüh* jeet, der eß *nacks*.
En *Frikadäll* eß us *Jehacks*.

Bekööse eß *bekläckere*.
Ene *Knottebühl* deet *mäckere*.

Alarmjetüüts verheeß *nüüß Joots*.
En Kleenischkeet eß ene *Otz*.

Die Läe bruch me em *Jaade* emme,
fü op de *Appelbööm* ze *klömme*.

Dat Läe maat me us *Fäll van Diere*,
fü domet *Schohn* ze repariere.

De *Fäesch* die eß am *Fooß* janz *henge*.
Dr *Vreel* eß *ovvedrop* ze *fenge*.

De *Schwüesche* eß de Frau vam *Brue*.
Wer *mööd* eß, *läät sisch* op et *Ue*.

E *Mäz* dat *bruch* me *füze Schnijje*.
Me deet och *schnijje* met en *Schië*.

E *Räänfawß* eß en *Wassertõnn*,
ene *Quätschbühl* e *Akkordeon*.

En *Schniedesche* deet *Kläe nihne*,
on *Schruvve* send fü *fabzedriene*.

E *Altverstank* eß *mięschdens* jong.
De *Zemmedäck* eß dr *Plafong*.

Et sonndaachs maache Mann on Frau
fü *uszejonn sisch op dr Mau*.

Wämme *verschräcke* , könne mię
och *jau* ene *Päffemönzschlaach* kriije.

Für ene *Zong* bruch me net völl:
jet *Stacheldroht* on spetze *Pöhl*.

Ene äschte *Röętsche Jong* dä kännt
en Jäjend, die me *Hahndoor* nännt.

Wer keen *joo Senn* hät, dä eß *kniebtisch*.
Ene janz *jemeene Käll* eß *biebtisch*.

Ene *Kaffeepott* dä hät en *Schlööt*.
De *Meleşch* die höllt me en en *Tööt*.

Ene *Brell* met *Nickeldrohtjeställ*
däm nannt me *Krankekassebrell*.

Wer *flaastert* deet bejm schwadroniere
met *Häng* on *Ärm* jestikuliere.

Wer *net bej Truub eß*, hät ene Knall,
on *Ise* eß e *Schwoęmetall*.

Janz *riefe Kięsche* die send *ruut*.
De *Wetfrau* höre Mann eß *duut*.

Wännste an *Peife rüschs*, dann bešte
en janze *Zik dõnõõ am neeste*.

Ene *Herreķ* eß ene *läckere Föisch*.
Ene *Keißel bruch* me en de *Köisch*.

Em *Härps verlüß* dr *Boom* seng *Bla*,
on füze *Nihne* bruch me *Jaa*.

Drüşch Brut dat *weesch* me prima *op*,
endäm me et en Kaffee *zopp*.

Us *Impele kauch* me Himbeer-*Tütt*.
Ene *plompe Käll* dat eß ene *Klütt*.

Wat me lang *drüjje* deet, eß *drüsch*.

Wer net de *Worret* säät, dä *lüsch*.

En *heeße Renkflehschzupp* die *schwaamp*.

Wer *Klöpp betreck*, *krit se jeraamp*.

En *Baare* maat me *Suure Kappes*.

Ene *jonge Trupp* dat eß ene *Labbes*.

E *Fisterenöllsche* säät me dann,

wänn *Zwei e äng* Verhältnis han.

Wat *Appeltaat* eß, wellste wesse?

Ene *Kooch met Äppel füze Ässe*.

Wer *laache sisch verkniepe deet*,

dä *helt sisch vri*, wie me su säät.

Wer ene *Ratsch em Kappes* hät,

dä eß em *Kopp* net ganz komplätt.

Dr *Rußekrangs* däm deet me *bäene*.

Em *Böisch* kann me ene *Fuß bejääne*.

Dr *Hofschmed* dä *beschleet* de *Päed*.

Om *Buurehauf* do *wirk* dr *Knäet*.

E *paa Persuune* dat send *Lü*.

Wat *onjekauch* eß, dat eß *rüh*.

E *Krankehuus* eß e *Spital*.

E *Hondes* eß dr *Hondestall*.

Wer *iß* on *sisch verschleck*, dä säät,

hä hött en *Jrömmel en de Trööt*.

Kleen *Jonge* dat send *Källschere*,

on *Flieder Jraufelsnällschere*.

Die *Jrooß* hät en *Frisur* met *Küffje*.

Dä *Änkel* hät een met e *Strüffje*.

E *Oelischdiersche* dat hät schöne

janz *schwazze* Punkte op de *Flööne*.

En *Schwadmuul* kann dr *Monk* net halde.

E *Bejjel* eß, fü Holz ze spalte.

Am Hemmel *lüete* naats de *Stäere*,
on *Wimmele* send Johannisbeere.

Kadangß han heesch, me hät Respäk.
Vam Strom dō krißte *een jefleck*.

Et *Fönkelholz* wid *opjestabelt*.
De *Uere* send hü *döck verkabelt*.

Ene *Höppekroetsch*, dat eß bekank,
dä *läeß* em *Wawße* on a *Lank*.

Ene *Fullisch* eß ene *fuule Lösch*.
En *stenke Pief* dat eß en *Kösch*.

Em *Bischstohl* setz *Pastue* de *Bisch*.
Wer *zeddert* hät dr *Dadderisch*.

En *Keß* die eß us *Bräe jenäält*.
Schwällmännschere send *onjeschällt*.

Em *Jaade* eß en decke *Schläck*
für *Jaadenierese* ene *Schräck*.

Us *Zuckeröbe* maat me *Seem*.
Ene *Schmal* dat eß ene *Flentereem*.

En *Jummel* dat eß en janz kleen *Kuël*.
De *Jrastatsch* eß ene jröne *Vuël*.

Wer *Ärjer* hät, *däm steet et Jreßje*.
Limburjer Kieß dä *stenk* e beßje.

He wutte werrem janz völl *Wöet*
nöi *vürjestallt* on kott *erklärt*.
Isch *hoff*, van dat, wat he *jeschrevve*
steet, eß em *Kopp* jet hange *blevve*.

Dauch et jit *Lü*, die send *döbee*
e beßje *schwoedere* van *Kapee*.
Die solle *ohne* *schläet* *Jewesse*
en *Joddes Nam* et *nauch* ens *läese*.